



Publicaziuns dalla vischnaunca, jamna 08

Votaziun cantunala diils 12 da mars 2023

L'urna principala en casa communal ei aviarta sco suonda:

Dumengia, 12-3-2023, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 10 da mars 2023, allas 14.00**, tier l'administraziun communal (tel. 081 920 36 36).

Levgiament da votar

Mintga votant(a) ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brev dalla casa communal.

Ils cedels da votar ston esser sil pli tard la dumengia, ils 12 da mars 2023 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal



Damondas da baghegiar

2023-1022.000

Datum dalla publicaziun: 24 da fevrer 2023

Il patrun: Corporaziun d'aua Spina da Vin, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Intenziun: Sanaziun dallas tschaffadas d'aua Rosas Parcella: 2541
Adressa: Val d'Acletta, 7180 Disentis/Mustér
Zona: – Zona agricola
– Zona per il sport d'unviern
– Zona per la protecziun dall'aua
Zona da Territori: buca intercuretg concernent
prighel: zonas da prighel

2023-1023.000

Datum dalla publicaziun: 24 da fevrer 2023

Il patrun: Corporaziun d'aua Spina da Vin, 7180 Disentis/Mustér
Il representant: ipz ingenieure + planer ag, Via Lucmagn 7, 7180 Disentis/Mustér
Intenziun: Sanaziun dallas tschaffadas d'aua e construcziun nova d'ina stiva d'aua
Parcella: 2541
Adressa: Lag da Tgauns, 7180 Disentis/Mustér
Zona: – Zona agricola
– Zona per il sport d'unviern
– Zona per la protecziun dall'aua
Zona da Territori: buca intercuretg concernent
prighel: zonas da prighel

2023-1024.000

Datum dalla publicaziun: 24 da fevrer 2023

Il patrun: Artavels Louise Marie Kreiliger, Via Sut Baselgia 1, 7180 Disentis/Mustér
Il representant: Marlene Gujan Architektur AG, Rebhaldenweg 52, 7206 Igis
Intenziun: Sanaziun dalla casa da habitar, nova repartiziun dallas surfatschas da habitar, niev tetg sul plaz da seser, niev indrez fotovoltaic sin tetg e niev carport cun adattaziuns dil contuorn
Edifeci nr. 701
Parcella: 627
Adressa: Via Pervenda 9, 7180 Disentis/Mustér
Zona: Zona da habitar 2
Zona da prighel: Negina

2023-1025.000

Datum dalla publicaziun: 24 da fevrer 2023

Il patrun: Matthias & Andrea Böttcher, Via Alpsu 1, 7180 Disentis/Mustér
Il representant: SPACIAL DESIGN GmbH, Via Principala 67, 7166 Trun
Intenziun: Sanaziun interna digl edifeci nr. 73A, nova partiziun dallas surfatschas da habitar ed ina nova colligaziun dils baghetgs nr. 69 e 73A
Edifeci nr. 73A / 69
Parcella: 728 / 729
Adressa: Via Alpsu 3, 7180 Disentis/Mustér
Zona: Zona centrala
Zona da prighel: Negina
Plan general da formaziun: – Areal pil diever commercial dil plaunterren
– Areal da habitadis protegi generalmein



2023-1026.000

Datum dalla publicaziun: 24 da fevrer 2023

Il patrun: Peter & Petra Gabriela Baumann, Eschtürlistrasse 21, 8815 Horgenberg
Il representant: Baumann Holzbau AG, Bergstrasse 164, 8815 Horgenberg
Intenziun: Sanaziun energetica digl edifices nr. 115, remplazzament dil scaldament entras ina pumpa da calira d'aria, novs balcuns ed ina nova garascha. Niev indrez fotovoltaic sigl edifices nr. 115A
Edifecs nr. 115 / 115A
Parcella: 804
Adressa: Via Lucmagn 23, 7180 Disentis/Mustér
Zona: Zona dil vitg
Zona da prighel: Negina

2023-1027.000

Datum dalla publicaziun: 24 da fevrer 2023

Il patrun: Casatec Group SA, Via dalla Stampa 8, 7180 Disentis/Mustér
Il representant: BeerBigliel SA, Via Alpsu 49, 7180 Disentis/Mustér
Intenziun: Niev indrez fotovoltaic vid las storas dallas fatschadas sid e vest
Edifecs nr. 25A
Parcella: 2204
Adressa: Via dalla Stampa 8, 7180 Disentis/Mustér
Zona: Zona da mistregn
Zona da prighel: Negina
Plan da quartier: Plan da quartier Carcarola Sut

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 24 da fevrer 2023

Uffeci da baghegiar Disentis/Mustér



Cartas da viagiàr dil di

Informaziun davart sistida

Las Viasfier federalas svizras vegnan naven dils 1-1-2024 buca a cuntinuar cun la vendita dallas cartas da viagiàr dil di per vischnauncas ella fuorma dils davos onns.

Igl abbonament dalla vischnaunca da Mustér per las duas cartas da viagiàr dil di scada cun la fin da mars 2023 ed igl ei buca pusseivel da prolungir igl abbonament sulettamein pils nov meins restonts entochen la fin 2023. Per garantir la purschida stuess la vischnaunca acquistar in abbonament pigl entir 2023, quei che caschunass in deficit da plirs mellis francs.

Sebasond sin quella situaziun ha la direcziun communal decidu da sistir naven dils 1-4-2023 la vendita dallas cartas da viagiàr dil di.

Bien engraziament per l'enconuschientscha e capientscha.

Direcziun communal

Vias d'uaul e vias da cultivaziun

Informaziun ed annunziat

Igl 1. da fevrer 2023 ei la lescha pil manteniment ed il diever dallas ovas da meglieraziun e d'uaul entrada en vigur legala. Art. 13 dalla lescha definescha il dretg da carrar sin las vias da cultivaziun ed uaul sco suonda:

- a) Tuts viadis da survetsch dalla polizia, dil survetsch forestal, per diever agricol (maschinas agricolas senz'autos cun numera verda), dalla polizia da catscha e pesca, dalla sanidad, dils pumpiers, dils guardians d'iel e da chemia, viadis per ademplir activitads officialas u legalas sco era viadis en survetsch dalla vischnaunca, dil Cantun e dalla Confederaziun;
- b) viadis cun maschinas agricolas e mieds da transport forestals da tut gener cugl intent da cultivar alps, pastiras e praus (agricultura) ed ils uauls (forestal), sche quels viadis stattan en connex cun la cultivaziun;
- c) viadis en connex cul transport da selvaschinas da grefla sittadas;
- d) pil transport da lenna duront in temps limitau, fixaus en cunvegientscha cul selvicultur communal. Art. 14 dalla lescha communal regla las excepziuns pusseivlas per lubientschas da carrar per vehichels entochen 3.5 t.

1. Lubientschas en general

¹Las lubientschas da carrar vegnan per regla concedidas mintgamai pil temps naven digl 1. d'avrel entochen ils 15 da december. Aschinavon ch'ei croda neiv ordeifer quei temps ni en cass dad auters eveniments dalla natira, exista negin dretg da far valer la rumida dalla via.

2. Lubientschas annualas

¹L'administraziun communal conceda sin damonda lubientschas annualas da carrar per suandont diever:

- a) per vehichels da proprietaris da schischom e beins immobiliars sco era affittaders da tals, vegn concediu maximalmein duas lubientschas annualas pil sector pertuccau;
- b) per vehichels – da beins agricols ch'ei registrai cun ina numera da menaschi el register agricol official – vegn concediu duas lubientschas per tuts secturs che vegnan cultivai entras quei menaschi;
- c) per vehichels da personas che segidan cun cultivaders da beins agricols registrai cun numera da menaschi el register agricol official en connex cun la cultivaziun dil terren. Per menaschi vegn concediu maximalmein ina ulteriura lubientscha da gidonter analog alinea b. La damonda sto vegnir inoltrada entras il menaschi puril;
- d) per scadina lubientscha eis ei da pagar la taxa indicada en questa lescha. Per lubientscha sa vegnir registrau duas numeras da vehichel. Las lubientschas ei buca transmissiblas.



3. Lubientschas dil di e dall'jamna

¹L'administraziun communal conceda sin damonda lubientschas da carrar dil di e dall'jamna per suandont diever:

- a) access per intents defini sco visetas a pasturs, visetas da camonas, per la raccolta e diever da tegias per intent da vacanzas;
- b) vehichels per guids da muntogna;
- c) vehichels per personas cun impediments corporals;
- d) vehichels per la construcziun da baghetgs e stabiliments;
- e) viadis cun vehichels dil cultivader, aschinavon ch'els vegnan utilisai per intents agricols;
- f) viadis cun caschun dad occurrenz.

²La lubientscha dil di vala mo pil datum ed il sector indicau e per ir e turnar. La lubientscha jamnila vala per l'jamna ed il sector indicau.

Las lubientschas dil di e dall'jamna san vegnir retratgas sin via electronica. Per quei intent ei la vischnaunca vidlunder d'activar sigl 1. d'avrel 2023 ensemen cun l'interpresa „Digitalparking» ina App che facilitescha la retratga dallas lubientschas da carrar.

Sefundond sin las prescripziuns digl art. 14 cefra 2 dalla lescha communal vegnan proprietaris da terren e da schischom, affittaders da tal e cultivaders da beins agricols che giavischan ina lubientscha annuala envidai d'inoltrar la damonda per retrer las lubientschas annualas da carrar all'administraziun communal. Per quei intent ei vegniu creau in formular cun las indicaziuns necessarias per retrer ina lubientscha annuala da carrar. Personas officialas ein medemamein envidadas d'inoltrar ina damonda da carrar. Las lubientschas succedan sin via digitala tenor las indicaziuns sil formular d'annunzia. Leu nua che las indicaziuns mauncan sa buca vegnir concediu ina lubientscha. Il formular d'annunzia anfleis Vus sin la pagina d'internet [www.disentis.ch/vischnaunca/administraziun/partiziuns/administraziun/Lubientscha da carrar](http://www.disentis.ch/vischnaunca/administraziun/partiziuns/administraziun/Lubientscha%20da%20carrar) Il formular sa era vegnir retratgs dall'administraziun communal.

Disentis/Mustér, ils 17 da fevrer 2023

Suprastonza communal Disentis/Mustér



Uniun da dunnas Mustér

Invitaziun alla radunonza generala, gievgia, ils 23 da mars 2023, 19.30 el hotel Alpsu.

Bugen beneventein tei alla radunonza generala dall'Uniun da dunnas Mustér cun ina tscheina comunabla. Impurtont! Muort motivs organisatorics supplichein tei da far ti'annunzia/demissiun sut il suandont link <https://www.uddm.ch> ni informar la suprastonza **entochen ils 19 da mars 2023**.

Tractandas:

1. Elecziun da duas dumbravuschs
2. Rapport annual dalla presidenta
3. Rendaquen e rapport dallas revisuras
4. Program 2023
5. Contribuziun annuala e preventiv
6. Undraziuns
7. Elecziuns
8. Varia

Cordials salids

Uniun da dunnas Mustér

Einladung zur Generalversammlung am Donnerstag, 23. März 2023 um 19.30 Uhr im Hotel Alpsu.

Gerne laden wir Dich, zur Generalversammlung der Uniun da dunnas Mustér mit gemeinsamen Nachtessen, ein. Wichtig! Aus organisatorischen Gründen bitten wir Dich, um eine Anmeldung/Abmeldung **bis am 19. März 2023** unter folgendem Link <https://www.uddm.ch> oder direkt beim Vorstand.

Traktanden:

1. Wahl Stimmzählerinnen
2. Jahresbericht der Präsidentin
3. Jahresrechnung und Revisionsbericht
4. Program 2023
5. Mitgliederbeitrag und Budget
6. Ehrungen
7. Wahlen
8. Varia

Wir freuen uns über eine rege Teilnahme.

Uniun da dunnas Mustér

Uniun samaritana Mustér

Cuors: Agid d'urgenza tier affons pigns (Notfälle bei Kleinkindern)

Sonda, ils 18 da mars 2023, las 8.30–12.00 e las 13.00–16.30 en casa da scola, Mustér. Il cuors sedrezza a mummas e babs, tattas e tats ed a tut las personas che han da far cun affons pigns ed era pli gronds.

Ulteriur sclariment ed annunzias entochen ils **8 da mars 2023** tier: Martina Giger, 079 299 36 13, martina.casanova@gmx.ch
